


pānui kura



TAU: 21 WĀHANGA: 1 WHĀNAU:

26 o Hui tanguru 2019

He hōnore, he korōria,
He maungārongo ki te mata o te whenua,
He whakaaro pai ki ngā tāngata katoa.
Arohaina ngā teina me ngā tuākana e noho
nei i runga i te whakaaro kotahi.
Whakahōnoretia tō tātou Kīngi a Tuheitia.
Ngā tini aitua o te motu haere, haere,
haere.
Paimārire.

Te Matatini ki te Ao

Tau kē ngā rōpū katoa i tū ki Te Matatini ki
te Ao i te wiki kua hori. Aeha! Waiwai ana
ngā whatu i te kitenga atu i ngā ākonga
tawhito o te kura, ngā mātua, a wai, a wai
ranei. I te mutunga iho, e tika ana te
kōrero, ko te kapa te toa!

Ko te reo rangatira

Kaha rere te reo Pākeha i te kura i tēnei
tau, ā, he inoi tēnei kia akiaki koutou i o
koutou tamariki. Mā te whakatairanga i te
reo Māori i te kura, i te kainga, i whea rānei
ka tino kite, ka rongo hoki ngā tamariki i te
ātaahua o tō tātou nei reo rangatira.

Pēpi Hou

He mihi tēnei ki te whānau Morgan i te
whānautanga mai o tā rātou pēpi hou i tēnei
ata. Nau mai e Hine!

Mauri Tau

Kua riro mā te akomanga o **TE ATAWHAI**
te tiwhikete mō te akomanga kaha ki te
hāpai i ngā uara o te kura. Kua riro mā te
akomanga o **TE PIRINGA/TE TŪMANAKO**
te tiwhikete mō te akomanga kaha ki te
kōrero i Te Reo Rangatira!

Mauri Tau - Wiki 4

Ngā mihi nunui ki ēnei tamariki, nā rātou te
waimaria i tērā wiki:

Te Aroha/Te Puāwai - Mani Tai-Rakena

Te Piringa/Te Tūmanako - Amaia Heu

Te Whakapono/Te Rangimārie -

Kahuwhitiki Morunga

Te Atawhai - Turama Paranihi

Uru Pītiti - Tau 7/8

Kua tīmata ngā akoranga Hangarau mō ngā
Tau 7/8 i tēnei rā ki Te Kura Takawaenga o
Uru Pītiti. \$66 te utu mō ia tamaiti, tēnā,
utua ki tō tātou kura.

Me mau hū tika ngā tamariki, kāore i
whakaae ki ngā hānara (He take Health &
Safety). Ki te hē ngā hū, tērā pea ka mate
tāu tamaiti ki te noho mai ki te kura.

Police Vetting

Inā he whānau hou, he mātua hou, he inoi
tēnei kia whakakī i ngā pepa nei kia wātea
koe ki te tautoko i ngā haerenga o te kura,



KIA MATAARA

1 o Poutu te rangi

Kura Tuākana: Waka Kōpapa ki Tūrangaewae

9:20 - 2:20 karaka

TŌKU MĀPIHI MAUREA KURA KAUPAPA MĀORI

ngā noho marae, te whakahaere tīma hakinakina rānei. I raro i ngā kaupapahere, ngā punaha me te taha haumarua o ngā tamariki i tēnei kura, me whai ngā matua āwhina i ēnei tukanga. Kei te tari ngā pepa hei whakakāi.

House of Science

E tika ana kia tuku mihi ki a Waikato Tainui mō tō rātou tautoko kia noho mai tēnei kaupapa ki roto i te kura i tēnei tau. He kaupapa tēnei hei whakakaha ake ngā akoranga pūtaiao mō ngā kaiako me ngā tamariki.

Kua tāpiri nei tētehi pepa whakaae, tēnā, whakakāi koa me te whakahoki mai ki te kura.

Kei kōnei ētehi atu whakamārama:

<https://houseofscience.nz>

Ngā Nama Waea / Wāhi Noho

Mehemea kua nuku whare tō whānau, kua tini rānei ko ngā nama hei whakapā atu, tēnā koa matua whakamōhio mai ki te tari.

tari@tmmkkm.school.nz

Kura Tuākana - Waka Kōpapa

Ngā mihi ki a koutou kua whakahoki kētia ngā pepa whakaae.

Hei te Rāmere e tū mai nei ka whakaharatau ki Tūrangaawae.

Kia kaha ngā tamariki ki te whakarite i ēnei mō te Rāmere:

- Tarau poto / Hingareti / Tihate
- Pōtae Kura
- Inu wai māori
- Kai mō te rā roa (kei reira mō te rā katoa)
- Taora
- Kākahu tuarua

Ngā Utu Kura

Te Utu	Ko te wā hei utu
\$30.00 (Kotahi te tamaiti)	Ia wāhanga
\$45.00 (tokorua ngā tamariki)	Ia wāhanga
\$60.00 (maha ake i te tokorua)	Ia wāhanga

Nama o te Whare Pūtea:

TKKM o Tōku Māpihi Maurea

12-3249-0024036-00

He mihi nunui tēnei ki a koutou kua utua e ngā nama mō te tau kua pahure ake nei.

Poitarawhiti 2019

Hei te wāhanga tuarua ka tīmata ngā whakataetae poitarawhiti ki Minogue. Nō reira mēnā e hiahia ana tāu tamaiti ki te tākaro i tēnei tau, whakakāi te wāhanga i raro iho nei, whakahokia mai ki te tari i mua i te mutunga o te wiki nei.

Poitarawhiti 2019

E whakaae ana kia tākaro a

_____ i te poitarawhiti i tēnei tau 2018. Porowhitangia te tīma o tāu tamaiti. Tau 5/6 Tau 3/4 Tau 7/8

E wātea ana ahau ki te whakahaere i tētahi tīma poitarawhiti Ae/ Kao

Ko tēhea tīma poitarawhiti?

Tau 3/4

Tau 5/6

Tau 7/8

Waitohu: _____

Nga mihi nui



TŌKU MĀPIHI MAUREA KURA KAUPAPA MĀORI

Haupoi Retireti - 27.2.19

Tīma Teina: 4:57 karaka

Tīma Tuakana: 4:15 karaka

Hotaka Manaaki

Ka tīmata te Hōtaka Manaaki Tamariki a te 3.00 - 5.30 karaka. Ko Faith Curtis te kaiwhakahaere.

Ki te hiahia whakauru āu tamariki ki te Hōtaka a muri i te kura, waea atu ki a Faith 0276722693, īmērā rānei:

hotakamanaaki@gmail.com

Nā Faith

Lunch Orders

Tirohia te whārangi ipurangi nei mō ngā kōrero, ngā rārangi kai anō hoki:

<http://lunchorders.co.nz>

Ka tuku tonu mā te ipurangi, i te kāinga, ā, ka tuku mai kamupene i ngā kai ki te kura i mua i te tīmatanga o te wā tina (11:55 karaka).

He hurahi ngāwari tēnei mā te kura i te mea kāore he take mō te tonu pūtea mai ki te kura. Nā reira whakamatauhia!! He reka rawa te āhua o ngā kai, he kai hauora anō hoki!

Haere ki wāhanga e kī ana "Sign Up" i te tuatahi!


<http://lunchorders.co.nz>

Ipu Kākahu

Kī rawa te ipu kākahu i ngā kākahu (poraka kura, poraka kapa haka) kua mahue mai e ngā tamariki. Tē mōhio ētehi nō rātou kē ngā kākahu, ā, kāore hoki he ingoa kei runga.

Hei te mutunga wiki ka tuku atu ki te hunga rawa kore na reira kia kamakama tamariki mā, mātua mā!

Project Energize



Whakaaro mō te wiki

"Mā pukumahi ka poto ngā maikuku; mā maikuku poto ka rahi te kai."

Inā ka pukumahi te tangata, he maha ngā hua ka puta. Mehemea ka pēnei te kura, te whānau hoki, ka eke panuku tō tātou kura, ngā tamariki, mokopuna anō hoki. Nā reira kia kaha tātou katoa kia ea ngā wawata, ngā whāinga mō te tēnei tau!

Ngā manaakitanga,
Laura

